



წარმომადგენლობითი საბჭოს გადაწყვეტილება N07-01/47

2023 წლის 1 აგვისტოს მდგომარეობით სტატუსშეჩერებული სწავლის საფასურის დავალიანების მქონე ბსუ-ს სტუდენტების 2023-2024 სასწავლო წლის შემოდგომის სემესტრისათვის ბსუ-ს სასწავლო პროცესში დაბრუნებისათვის გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის მე-18 მუხლის, ბსუ-ს წესდების მე-10 მუხლის, „ბსუ-ში სწავლის საფასურის გადახდის წესის დამტკიცების შესახებ“ ბსუ-ს წარმომადგენლობითი საბჭოს 2015 წლის 29 სექტემბრის N06 გადაწყვეტილების, სწავლის საფასურის დავალიანების მქონე სტატუსშეჩერებული სტუდენტების დავალიანების გადახდისაგან გათავისუფლების თაობაზე საქართველოს პრემიერ მინისტრის ინიციატივის გაზიარების შესახებ ურთიერთანამშრომლობის მემორანდუმის (18.09.2023წ.), წარმომადგენლობითი საბჭოს რეგლამენტისა და წარმომადგენლობითი საბჭოს 2023 წლის 28 სექტემბრის N07-02/11 ოქმის საფუძველზე წარმომადგენლობითმა საბჭომ

გადაწყვიტა:

1. სწავლის საფასურის დავალიანების მქონე სტატუსშეჩერებული სტუდენტების დავალიანების გადახდისაგან გათავისუფლების თაობაზე საქართველოს პრემიერ მინისტრის ინიციატივის გაზიარების შესახებ ურთიერთანამშრომლობის მემორანდუმის (18.09.2023წ.) გათვალისწინებით, ბსუ-ს სწავლის საფასურის დავალიანების მქონე უმაღლესი საგანმანათლებლო პროგრამების სტუდენტებს, რომლებსაც 2023 წლის 01 აგვისტოს მდგომარეობით შეჩერებული ჰქონდათ ბსუ-ს სტუდენტის სტატუსი და არ გასულა სტატუსის შეჩერებიდან 5 წელი, მიეცეთ შესაძლებლობა 2023-2024 სასწავლო წლის შემოდგომის სემესტრისათვის დაბრუნდნენ ბსუ-ს სასწავლო პროცესში.
2. მიზნებისათვის და წინამდებარე გადაწყვეტილების აღსრულებისათვის ბსუ-ს რექტორმა და ადმინისტრაციის ხელმძღვანელმა უზრუნველყონ კანონმდებლობითი გათვალისწინებული ღონისძიებების განხორციელება და სამართლებრივი აქტების გამოცემა, მათ შორის სასწავლო პროცესში დაბრუნების მსურველი სტატუსშეჩერებული სტუდენტის განცხადების საფუძველზე 2023-24 სასწავლო წლის შემოდგომის სემესტრში, სწავლის დაწყებიდან 15 დღის ვადაში შიდა მობილობის გარეშე სასწავლო პროცესში დაბრუნების თაობაზე რექტორის ბრძანების გამოცემა (იმ პირობით, თუკი მიმდინარე სემესტრის სწავლის საფასურს დაფარავს რექტორის ბრძანებით განსაზღვრულ ვადებში).

3. გადაწყვეტილება გამოქვეყნდეს ბსუ-ს ვებგვერდზე.
4. გადაწყვეტილება დაეზავნოს ბსუ-ს მართვის ორგანოებს, რექტორის მოადგილეს, ფაკულტეტებს, სასწავლო პროცესის დეპარტამენტს, საფინანსო-ეკონომიკურ დეპარტამენტს, იურიდიულ დეპარტამენტს და საინფორმაციო ტექნოლოგიების სამსახურს.
5. გადაწყვეტილება ძალაშია ხელმოწერისთანავე.
6. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

წარმომადგენლობითი საბჭოს სპიკერი,
პროფესორი

ჯემალ კარალიძე